

四庫全書

集部

欽定四庫全書

御訂全金詩增補中州集卷十二

趙秉文四

發棗社

夜發棗社驛褰帷見明月月照斷崖冰風吹陰磴雪山
重復峻嶺十步九盤折兩崖夾深澗線路僅容輶縑車
下百尺輾轉聲未絕坡陀到平地稍喜見雉堞隔城闌
鐘鼓星斗何歷歷故人相勞苦杯酒慰行役夜闌秉明

燭相對恍如失

過寧州

季冬落日黃霜雪原野白驅車上峻坂十步百夫力我
行未半嶺回視但木末白雲在高頂可望不可及北風
摧去翼孤烟帶遠客居人候征騎倦僕望前驛蒼皇下
坡陀張燈已昏黑

傲淵明自廣

天地有常度日月有常數有生則有死如朝必有暮來

者不可却去者那容駐但喜故歲新新年行復故故交
零落盡世豈能久住年衰性自忘所以語多悞但復眼
半昏文字宜少覩前路那可知正宜委運去幸近古稀
年無復更多慮

和淵明飲酒

少長慕富貴老人思丘山一為妻子累不肯踐斯言誤
落塵網中黽俛四十年吾衰有兒子門戶幸可傳

漆園去我久舉世少真情晉宋多名流惜哉亦虛名浮

虛忘軒冕踰檢稱達生淵明初亦仕不為寵辱驚笑彼
夸毗子空談竟何成

琳宮雜龜鼉頗厭鼓吹喧既久少人事却愛幽居偏南
榮有奇趣雲峯可當山一雨溪水漲稍稍魚鳥還我亦
樂其樂可為靜者言

好醜無定在當時者為是彌子當寵時安知後來毀世
道每如斯吾生幸不爾舉世尚五絃安事矜綠綺

少年喜草書臨池學伯英縱橫挾造化如見萬物情墨

濡四溟窄筆落三山傾年來頗自笑惜哉以技鳴白首
竟無得俯仰愧此生

憶昔告歸老方屬耆指時眼昏頭半白誓將從此辭幾
年不得謝因循到今茲耳聾左目盲決去吾何疑君恩
雖云重竊祿良自欺乘流且復逝遇坎將安之

昔我謝事時曾造老衲境謂言方閒去如醉不得醒至
要無多言退步心自領一朝桶底脫露出囊中穎有如
暗室中照耀賴燭炳

嚴風大澤枯霰雪寒威至此時陶彭澤相與父老醉醉
不必相扶顛倒無倫次處世貴無名不知斯我貴斯人
今已亡三笑有遺味

憶我湓水陽經營五畝宅修竹幾千竿今為狐兔迹相
逢問鄉舊里巷不盈百艱難驚獨在鬢髮颯已白一醉
齊彭殤無為空太息

幽居淡無事雅志了玄經眼花憎文字悠悠竟無成中
夜起無寐披衣守寒更梅竹散清影素月流廣庭孤鶴

閑逸響切切寒蟲鳴撫卷長歎息慷慨惻中情

淵明雖不仕愛此北窓風曲肱枕書卧樂亦在其中時
持一杯酒賴此齊窮通大笑杯中蛇晚矣悟雕弓

昔我平生友戎冠今皆仕居官不避事力學固為已非
無濟時策壘斷亦云恥行年未六十齋志沒蒿里蹇子
隨朝班星霜幾四紀譬如遠行客日暮尋所止養志歸
田廬晚節猶可恃

擬和韋蘇州

和西澗

雨荒竹迳草叢生樹隔前溪一犢鳴步尋幽澗疑無路
忽有人家略彳橫

和烟際鐘

近壑斂暝色遠山猶夕暉聲從烟際起復向烟中微隨
風散林野渡頭人未歸

和西塞山

龍門

雙闕聳岵嶢神斧忽中斷一水從中來千龕道傍滿

和山耕叟

步逐麋鹿迹詎知朝市情
負薪南澗曲荆棘雨中行
呼兒問牛飽又向山田耕

和上方僧

石潤雲生衲崖傾月照禪
曉衣橫竹錫洗鉢落巖泉
但見山花發幽居不記年

擬詠夜

明從暗中去暗從明中來
流光不待曉閣盡玉爐灰

擬詠聲

萬籟靜中起猶是生滅因
隱几以眼聽非根亦非塵

和寄全椒道士

潘清容自鄆移樓觀與中條喬象之同居

新移白閣峯遠訪中條客
結茅授經臺共坐雲間石
松龕讀易朝月窓談道夕
從此到終身區中了無迹

和遊溪

清溪霧氣散水涵天影空
白雲翻著底移舟明鏡中
鳥近前灘白花移別岸紅
遙知夜來雨山色翠如蔥

和聽嘉陵江水聲代深師答

驚湍瀉石崖百步無人迹
愛此喧中靜聊布安禪席
水無激石意云何轉雷聲
仁者自生聽達士了不驚
心空境自寂淡然兩無情

和演師西齋

不見竹間僧但聞花外磬
敲檻出魚遊巢簷知鳥性
雲蒸坐禪石露濕行道逕
夜寂一燈殘山月來破暝

和遊開元精舍

松軒風掃靜終日閉門居犬卧青苔地鳥銜紅葉初瓶
殘夜禪起經潤雨翻餘自是少人迹非關來往疎

和答中山道士

行轉青溪又別峯馬蹄終日認樵蹤翠微深處無人住
寺在深山何處鐘

和瑯琊

萬壽寺

茲寺廢已久經構昔未遑一朝煥金碧煌煌耀東岡文
母開大施天厨來衆香縈回轉佛閣窈窕閼禪房平地

俯歸鳥高齋在上方宿雲不歸山野水自成塘道人如
水鏡見者心清涼理勝是非遣慮淡形蹟忘歸鞍惜清
景佇立暮天蒼

擬漠漠來帆重溟溟去鳥遲

薄莫瀟瀟雨何人獨倚欄濛濛山氣重淡淡水紋寒草
際光猶濕松梢滴未乾燈前未歸客無夢到長安

擬何時風雨夜復此對牀眠

幽居少人事有客來不速爐內火正紅罇中酒新綠高

齋始聞鴈隔窻時動竹何當風雪夜抱被還同宿

擬綠陰生畫寂孤花表春餘

了無車馬跡終日掩禪關不下溪頭路坐看簷際山好
鳥破午寂幽花淡春閒簪組方為累來遊不知還

送麻知幾徵君

丹山五色鳳一舉眇天隅文采瑞聖世不為竹與梧渥
洼汗血種逸氣凌九區可見不可繫白璧誰敢沽夫君
號神童七歲能草書二十上詞賦下筆凌紫虛三十富

經學兩魁天下儒蛾眉衆女嫉反畏知名譽一朝相捨
去願以道自娛閒觀養性書洞究先天圖姓字問天朝
相公藉吹噓從容拜恩命移疾還里間諸公惜其去乞
留侍玉除掉頭不肯住一飯吾豈無君看澤中雉飲啄
良自如一旦畜樊中意氣慘不舒又如田間牛騰擲適
有餘被之以文繡顧影反踟躕君恩豈不重力疾須人
扶旁觀信美矣違已非病歟可以激頽俗可以勵貪夫
異時高士傳名與西山俱

飲馬長城窟行

飲馬長城窟泉腥馬不食長城城下多亂泉多年冷浸
征人骨單于吹落關山月茫茫原上沙如雪十去征夫
九不回一望沙場心斷絕北人以殺戮為耕作黃河不
盡生人血木波部落半蕭條羌婦翻為邊地妾聖皇震
怒下天兵天狐夜射旄頭滅九州復禹疏萬里還耕桑
但願猛士守四方更築長城萬里長

猛虎行

孤虎在深山一怒風林披朝食千牛羊莫食千熊羆虎
暴尚可制人還寢其皮旄頭飛精光落地為積屍焚山
赭草木血積成污池萬靈泣上訴生民將何為帝怒勅
六丁雷電下取之埋魂九地底壓以泰山坻然後天下
人頗得伸其眉寄言顛越者毋得育種遺

傲杜老無家

弟妹他鄉隔無家問死生兵戈塵共暗江漢月偏清落
日黃牛峽秋風白帝城中原消息斷何處是秦京

傲劉長卿出塞

上山搖白旗下馬駐旌麾邊騎數重合漢人三日圍天
寒短兵接日暮戰聲微萬里天山北招魂葬不歸

初從召募軍麾下點行頻衣上兩行淚燈前萬里身鼓
聲青海振戰骨黑山塵落日邊風起蕭蕭愁殺人

楊妃墓

灼灼陌上花青青路傍草人心任榮悴過眼無醜好馬
嵬三尺墳西出劍門道如何傾國顏傷心不同老

李夫人

夫人臨訣時掩面羞人主空餘返魂香默默不得語千秋百歲後粉黛化為土一笑不成研春風花自舞

延安滋戒師余初主安塞堡薄時相識也今戊子歲春被命作醮平涼偶得相會以四十三年之舊

故集句以贈之

五城何迢迢

杜

關河茫茫隔波浪

許表民

與君別來今幾

時盧翰林白髮三千丈

王

形容變盡語音存

東坡

閒思往

事是前身

樂天

四十三年如電抹

東坡

欲談前事恐無人

由

龐眉皓首無住著

杜

臂上念珠如皎日

唐僧

架上楞嚴已

不看

東坡

更看脚根參一節

山谷

人生何處不相逢

丁冠

猶恐

相逢是夢中

晏叔原

同是行人更分手

山谷

明朝車馬各西

東

歐陽公

塞上

窮邊四十里野戶兩三家山腹過雲影波光戰日華汲
泉尋澗曲樵路入雲斜隨分坡田罷還簪野草花

因尋射鵰壘偶到殺狐川
西地牛羊瘦邊沙草木羶
廢池餘井曰古戍斷烽烟
自說無征戰經今六十年

薄宦邊城裏經年無客過
一川平地少四面亂山多
野色連秋塞邊聲入暮河
舊貂寒更薄飄寄欲如何

樹靄連山郭林烟接塞垣
斷崖懸屋勢漲水沒沙痕
烽火雲間戍牛羊嶺外村
太平閒檄手大字付清樽

寒夜

歲晏寒無那夜深清欲餓
竹風驚夢斷雪意聽窓知
稍

金定四庫全書
卷十二
稍鵲翻樹蕭蕭人語籬虛明滿吾室何計月來時

三山渡

春水三山渡斜陽八字隄河淤樹身短沙截草痕齊地
納黃流大天銜曠野低故人不見我愁思使人迷

西陵

藹藹西陵樹蕭條歌吹聲客愁連斷鴈地古更荒城山
色嬌新雨河流怒不平浮雲臺上起不盡古今情

柏人光武廟

真人開有漢帝業肇萋蕪灑落君臣契艱危廟社圖
山川扶鄩邑日月拱東都社稷千秋里風雲四達衢
北風吹雨雪西日照桑榆舊物餘翁仲荒祠老祝巫
功臣遺像在時有鼠銜鬚

正覺院

西日轉廊腰疎鐘送次寥壞牆緣苦竹破屋上凌霄
白髮知僧臘青燈更客宵葉聲風外盡窓雨續蕭蕭

散策

解鞍成小憩散策遂幽欣偶拂水邊石坐看巖上雲
桑麻深畏景水竹淡斜曛興寄方自得清涼誰與分

陸渾

言從陸渾去不過紫芝還鳥飛不盡處夕陽千萬山
雲起動兼靜水流忙更閒坐待石上月滅沒烟嵐間

梁園中秋

今夜梁園月相逢照一罇他時千里共此會幾人存
老我追隨盡憐渠笑語溫不眠瞻玉兔終夕露荷翻

梅和尚節使挽詞

鏖戰羣奔外，申威一呼間。
功名歸死事，義勇鄙生還。
矢向邊塵盡，弓猶漢月彎。
君王思戰苦，起塚像天山。
走卒知名將，兒童說義州。
甘心輕白羽，苦戰脫兜鍪。
援絕揮戈地，創餘振臂秋。
英魂知不泯，結草抗邦仇。

和西溪思歸

好在西溪隱，人今白玉堂。
興來看畫本，夢去拂西牆。
舊竹多年合，新松幾許長。
從渠黃石老，獨占白雲鄉。

獄中

處順初無累安時故不憂敢遑身後慮甘向死前休有
姊如工部無兒似鄧攸悠悠天地意還許望松楸

徙倚

徙倚秋原上長吟動所思草荒天馬瘦日落野鷹饑多
病親朋改中年齒髮衰功名付公等才力況明時

寒食遙奠西山寺

榆中草色蕪春水稍漸車野祭一盂飯鄉愁千里餘年

年寒食客日日故園疎莫訝交親絕嵇康嬾寄書

年來百事廢漸與世情疎案上一杯酒牀頭幾冊書春風疑混沌水月似空虛頃刻翻晴晦吾心淡久如

赴寧化宿王道

山屋如雞柵才容卸馬鞍風吹四山雪月照一川寒不敢侵星起惟愁上嶺難中宵問前路客枕若為安

觀音院

棟宇懸崖上山光淡復深夕嵐無遠近返照有晴陰泉

金剛經
卷十二
落莓苔石風光松櫟林悠然成獨酌啼鳥是知音

蘆芽山

荷葉平初盡蘆芽勢漸分朝來知宿雨谷底見歸雲
日上松猶滴風來草自薰臨溪歸路險萬筏下河汾

荷葉坪

平生慣山水見之如等閒
竭來驚老眼何處無名山
崑崙千峯外蒼茫一雨間
山神應解事為我洗孱顏

管州道中

龜手酸風裏寒多酒不勝馬蹄荒店雪人迹斷橋冰瘦
骨成山字霜髯作戟稜綠窓三丈日政爾夢騰騰

代郡張氏瑞栢堂

鬱鬱何年植盤盤元老蒼文章深篆籀忠義飽風霜子
舍占烏鵲孫枝托鳳凰主人廊廟具會見拂雲長

過黃崖

患難驚身在龍鍾感歲新山川愁倦鳥歲月老行人落
日黃崖古東風白霄春傷心潢水北無乃久風塵

落日逢人恐深秋動旅懷乳鷹家碧嶂饑虎嘯黃崖此
道將何適吾生尚未諧傷心墟落裏犬舐有殘骸

咸平道中

道壞緣岡遠村流自作塘夕陽開野色秋水納山光雨
住林逾黑鳥歸天更蒼冥搜無好句淡墨寫微茫

慶雲道中

對岸青山隔孤城碧浪開綠蕪天際合白鳥日邊回渡
口呼舟急沙頭立馬催夕烟生極浦欲上客衣來

中秋金河感懷

金河今夜月遼水一罇同
鴈影不復北馬蹄猶向東
山川新戰血宇宙舊飄蓬
優鉢餘生事愁來醉眼中

登巢雲樓

烽火三年成沙陀幾戰場
自予甘薄宦與子各殊方
寒木同春色高樓傾夕陽
如聞洗兵馬更喜問臨潢

和楊子元

紅葉如人老黃花與世疎
物華行晚晚天宇迴澄虛
山

作屏風畫鴈成人字書相逢一杯酒秋興各何如
小雨班班落庭槐撼撼疎秋涵山谷冷天入水痕虛多
病難忘酒窮愁強著書深慚靈感老時復問何如

松下獨酌

行人隱微逕古寺帶平岡山勢倚城斷河流入野長樹
欹支壤道草臥壓頽牆獨酌無人共松風薦一觴

松山道中

松漠三百里飄然一日中山長雲不斷地迴雪無窮遠

嶺貪殘照深竹貯晚風烟村一回首獨鶴下晴空

疊翠巖

枯枿似黔突斷崖如削爪林深自風雨地古更烟霞脚
力行將盡雲山殊未涯試窮千里目直北際龍沙

飛身清曠外着眼有無間崖斷疑無地雲開更有山鳥
隨天影没人自日邊還歸夢挾清境詩情不得閒

帳殿臨清嶂蒼崖裂翠烟孤根盤厚地秀色入蒼天井
有四時雪巖垂萬古泉皇情非暇豫問俗到山川

宿崔家莊

野次寒山外人家霽雨中
餓鷹蹲落照危葉顛西風
墻缺青山補橋欹白水通
豐年聞好語倚杖問衰翁

過罽水

夕陽山豁處平照大河流
漠漠雲間樹悠悠天際舟
黃塵隨匹馬白水自雙鷗
會得閒中趣浮生半白頭

通許道中

南征

曉逐三軍發清寒苦不禁
征驂過野店寒路出疎林
宿

火留行客霜枝滑凍禽據鞍閒覓句愁些不成吟

暮春

自嗟中歲在不與暮春宜非復歡娛地其如老大時百
年歸攬鏡萬事入支頤此意無人會陶情一賦詩

汝菟酒罇

祕色創罇形中泓貯醪醑縮肩潛蛭蜥皤腹漲青寧巧
琢晴嵐古圓瑤碧玉瑩銀杯猶羽化風雨慎絨局

湧雲樓雨

滿地江湖夢連陰晦朔秋雨中
山似醉風外浪如愁眼
病憎黃卷心安任白頭
明年一官滿誰復話登樓

附趙秉文湧雲樓記大安二年夏四月余來蒞
平定登城樓而樂之樓枕古榆關下建十大旂
袤以五筵廣三之二窓闥軒豁俯瞰閭閻旁引
重山複嶺之阻左挹土門右控大鹵太行犄之
羣山迤之道京師而來歷汾晉接秦隴走雲代
商旅絡繹使驛旁午車推馬殆日不半舍使人

目寒而足慄悽然有去國之悲臯落之山晉陽
之泊廣陽之故道井陘之故關地古天荒巖深
樹老使人心折而骨悲黯然有懷古之思若乃
烟容雨態倏忽明晦欄檻半晴野無完塊雌蜺
半空雄風千里絺綌以清郊鄠汜秋空月明
飛光皎楹爾屋穿漏我居蓬瀛雪漲千山北風
其寒我續而溫爾縷其單觴於斯詠於斯會賓
友於斯其亦有思乎古之君子內淵靜而外昭

曠淵靜則悔吝不生昭曠則不蔽於物其於居
室也亦然寔與之處淵如也高明之居曠如也
淵靜所以存神昭曠所以知政靜以養恬動以
應物萬變之來了然吾胸中而不惑茲曠也祇
其所以為達也歟

窮愁

乍喜三庚伏還驚一葉涼窮愁天色少睡思雨聲長掩
卷悲興替懷人問在亡平生庾開府詩興未能忘

何處新秋好飄蕭意欲仙作涼新雨後欲曙未明前莎
徑蛩吟地松梢鶴唳天物情無好醜適意各天然

和潘師韻

睽離三十載重此叩玄微日月雙蓬鬢乾坤一布衣月
明渦水宿秋老華峰歸不得陪仙馭浮生有是非

和政老九日韻

數日閒齋臥體中殊不佳那知是重九但喜見黃花矯
首懷天末攜壺傍水涯琳宮題壁處醉墨字欹斜

贈茅先生

二室神仙宅三茅道士家野人遺竹帚

劉仙編竹帚以給公朝夕弟

子掃松花有道能擒虎無心任踏蛇天平有陳迹吾欲

老烟霞

大雪

大雪無朝暮衰年見未曾園林春浩蕩川嶽氣憑陵雲

慘天應漏陽微井欲冰欲尋安道舍何處一龕燈

大雪欲平簷黃昏氣轉嚴天邊迷草樹雲外失烏蟾天

意平高下人情有愛嫌
抱衾酬桂玉樓上醉厭厭

雪霽

黃雲霽雪威寒日淡暉
暉雨砌晴猶滴風簷落更飛
侵凌池面瘦臃腫樹身肥
長憶廬陵老憂時詠鐵衣

十月菊得深字

地偏開較晚風勁可能禁
雨清金英淺寒添紫暈深
抱叢無晚蝶窺藥有貞禽
留待飄零後梅花約重尋

雪

朔雲連鄭圃飛雪滿梁園
猛勢池心滅清聲竹外繁
鴉寒啄樹穿屨踵臨門何
以娛佳客開軒對一樽

野菊

離離巖下菊無主
混蓬茅路斷秋光隔
山明水影交荒叢
鳴蟋蟀寒葉掛蠟
蛸擬訪陶廬飲柴
扉何處敲

獄觀

步屨方壇上行吟
避草芽簷聲風拂
燕池影柳蹲鴉天
入濛濛雨春歸淡
淡花遊春心未老
牆外度香車

秋雨

天邊認遙電雲際尚殘陽
雨脚夜深白濤頭曉霽黃沙
邊明鴈影林下見山光擬盡
登高興秋懷祇自傷

手掐樺皮彈琴圖

何人聊幻巧袖裏出毫端
道眼無二見心齊廢六官
煩君無耳聽寓我非指彈
攏却伯牙手秋風萬籟寒

早出新安驛

夜宿新安驛平明雪塞碛
馬頭迷舊路虎跡印新泥
冰

凍寒流挾天銜遠路低人稀山店遠茅屋只聞雞

明惠皇后挽歌詞

皇明齊月象厚德配坤元惻怛憂民意勤勞毓聖恩
風悲卷耳星緯暗軒轅喪妣人心痛哀號望寢園

威儀文物備祖載出敢塗薄葬追三代嚴禋致九虞仁
恩遺鳳詔功德載寔趺左右重興業詩書讚永圖

太極齊元始三光並照臨勤勞憂國念惻怛愛民心玄
鳥歌殷母思齊詠太任兩朝難儷美萬古播徽音

階萸凋葉盡宮漏滴聲殘玉几俄遺訓龍樓罷問安雲
容愁慘戚風色動悲酸萬古餘功德煌煌玉冊寒

疇昔占蟲夢今來歎鳳飛漢宮遺內則文母謝芳徽永
卧重泉夜空餘大練衣魏郊寧久駐會看德陵歸

阿母瑤池去應歸海上峯寶奩空有象練帷靜無蹤孝
享嚴三廟興儀備九龍獻陵今密邇揮淚灑楸松

聖德高千古慈闈卜萬春地維傷絕紀月彩忽韜輪應
物歸先識憂民感至仁神儀雖已閔遺範不埃塵

膺符稱太母衍慶廣金源衣練蠲重彩躬蠶屈至尊賜
冰防病喝恤獄恐民冤孝義遵遺訓詞臣歎永言

葛覃歌卽用卷耳頌求賢遽厭人間世還為物外仙共
悲星失婺無復夢捫天玉座虛長樂依然夜月懸

謹抑傳家法寬仁沃帝聰禮崇光教塔時奉孝嚴宮皂
隸恩皆及嬪妃愛悉同繞階花泣露應是怨西風

河上

築堰分泉脉開溝斷荻芽風期占月暈水信識桃花

早愛沿河麥晴憐喚雨鳩春隨挑菜侶月趁捕魚舟

雪中登真定閣

風月下如意寺樓高處吟城中十萬戶一雪太平心

連雪潮退

夕陽明島寺海氣入邊城潮落青魚出泥深白鳥行

天城山

造化搏清氣秀出天城山青松伴僧老白雲如我閒

仙人峯

世界幾微塵古今一昏曉笑謝區中緣獨立萬物表

摩雲峯

青山本無情白雲自來往身在浮雲中仰看浮雲上

獨冠峯

大蝸難為兄小蝸難為弟百里見主峯衆山皆迤邐

五芝峯

白雲如幽人出山本無期朝來抱幽石五峯成六芝

鬱秀峯

道人西澗來衣上南山雨心知石堂烟晴峯正堪數

泓雲泉

藹藹春雲滋巖溜滴泉乳獨留一泓碧去作人間雨

上龍門

南北兩石門上下一靈鷲仰看蓮峯立忽見天門透

下龍門

亂峯排鳥道一水會龍門禹力不到處猶知滄海尊

奉命奏告山陵

祇命歟園陵倣裝事行役黃葉宿幾程青山館三日

西山積翠氣空外拄青天飛筇不到處獨鳥冲寒烟

山前紅樹合山頂白雲封山中有蘭若日暮聞疎鐘

山月出未高林深鳥猶夢霜落人未知寒添覺聲重

遊崆峒三絕

青龍洞

青龍不可見雲自洞中出為雨濟人間歸時杳無跡

仙人橋

絕澗初無路通仙忽有橋偶攜青竹杖平步到雲霄

翠屏山

山作屏風樣其如空翠何不遮秋塞盡空障夕陽多

御訂全金詩增補中州集卷十二

欽定四庫全書

御訂全金詩增補中州集卷十三

趙秉文五

春山詩意圖

何年身入畫圖傳似是三生孟浩然
詩句工夫驢背上
醉鄉田地酒旗邊
一川芳草綠堪染
夾路杏花紅欲然
想見歸來泥樣醉
却如蘸水柳三眠

春日即事

支頤偶到野人家總把深心付物華鳥毳餘情閒日月
花心深蠹半塵沙遊絲送上風中柳亂沫分屯水際查
且共年光暫觀化直須美酒送生涯

酷暑

林鴉開味忘飛騰天地為爐萬象蒸水井湯鑊幾千丈
塔鈴風闕十三層夢魂正遶雲帆客畫本閒臨雪麓僧
一枕雨窓惟靜勝不須赤脚踏層冰

石枕繩牀夏簟藤慢膚終日厭歔蒸夢飛楚澤三千里

人在秦樓十二層松頂露涼時警鶴山房泉冷獨輸僧
人間膏火鑪城市世外清涼勝飲冰

梭扇

犀甲龍鱗倚半空抱歸掌握自清風山精附木鬚髯古
回祿扇炎尾鬣紅何處青蠅千里外向來白羽一揮中
水邊石上應須此乞與文園病肺翁

三臺懷古

人道奸雄看似鬼奸雄我道鬼輸君身猶北面魏基建

骨入西陵漢鼎分貪與卯金成舜禹不知典午笑桓文
清漳不洗前朝惡日遠三臺送夕曛

登友雲亭

友雲飛觀鬱崔嵬落木蕭蕭聽者哀九日朱絃和鴈斷
開年黃菊費詩催淮天雨露橋千里梁地風烟酒一杯
此日此生人共醉明年重健與誰來

除夜

梅花無信報平安又聽譙門晝漏殘荒郡人烟窮臘外

上方樓閣晚雲端沉沉鳥沒天無盡漠漠烟昏山更寒
日暮數峯猶帶雪城頭霽色入欄干

龍鍾三十九年春諱說新年似諱貧醉白名堂甘後進
小坡著號似前身自憐耐辱稱居士人笑無機似道人
斷送生涯一枝足不須長物擾天真

娛暉軒

石晉地形今日眼幾人亭榭幾人詩數州山水有窮處
萬古風烟無盡時天逐南帆秋鴈遠峯遮西望夕陽遲

客來欲問忘歸意掛起僧軒君自知

馬頭山清居院

每逢佳處輒安跼及到清居半日慳
曉壁撼鐘雲離石
夜泉洗鉢月搖山人生能作幾時客
林下都無一箇閒
不信試看題壁字明朝多是馬頭還

松聲

飛廉作意怒髯龍萬壑千巖氣象雄
獨鶴夢中搖夜月
七絃徽外寄秋風石壇醺罷支筇裏
天竺齋餘隱几中

想見紛紛吹子落山堂一洗耳偏聰

科爾展酒

乍坼香泥甕釀成一鞭先到日邊城
玻瓈色映薔薇露
沆瀣光浮金菊英
偶脫中州先酒譜
賴傳後世以詩名
相如病渴焉能賦久矣吾衰畏後生

連雲島望海

壯觀天東第一遊
曉披絕島寄冥搜
烟中熊嶽隨潮沒
天際遼江入海流
地絕四維那辨樹
風來萬里忽通舟

我從析木西南境回望中原四百州

庚申元日

一從禁苑別花塲四度山城自作年
愁裏椒盤雙淚落坐中歲酒幾人先
此心不動吾何取老去知非理固然
白髮無兒何足道且收見在闌尊前

送張仲山

千山飛雪白皚皚袖裏吟鞭送客來
鬚出冰霜年貌改眼藏狐貉語音猜
風吹陰磴魚鱗卷日曝陽坡龜兆開

北去人烟山店遠且煨新火煖離杯

和林卿錦波亭韻

使君興寄本翛然愛此澄波清且連楊柳陰中黃鳥地
芙蓉香底白鷗天涼通簾幌風生座露泛琴樽月滿船
想見仙裾乘一葉恍疑太乙下雲邊

白霄雜興

黑山潢水解弓刀茅屋朝來聽伯勞萬里馬辭邊雪苦
一聲鴈拂朔雲高關山落日家何在詩酒春風氣尚豪

試上荒城望鄉國重來清鏡鑷霜毛

南園

塹水垣城斷往還青林路轉礙幽關百年樹腹通人過
四月花枝對酒閒逸馬風牛春雨草荒天老地夕陽山
金丸逐勝非吾事心在歸鴻滅沒間

翠微軒

千里風烟棟宇間地形西去接松關尊前奚霽來朝地
雲外幽燕不斷山故壘蕪城人物換斷雲落日古今閒

百年興廢人空老
水自東西鳥自還

鎮國寺

靈鷲飛來處處尊
綠雲細路絡城根
百年樓殿倚天末
萬井風烟當寺門
五月微涼清佛界
六時豪吹動祇園
四山放入無多力
乞與西南構一軒

七金山寺

剝簷篆額蠹蝸涎
像教塵埃閱百年
殿棟猶題遼日月
圖經不載禹山川
荒碑盤屈蜿蜒古
壞壁參覃罔象拳

想見當時崇奉日無邊花雨散諸天

野香亭

半空欄檻倚雲根暇日登臨付一樽
山上青蓮惟見塔水邊綠樹定知村
花枝低拂尋春騎杜宇頻傷久客魂
過盡芳時遊客少一軒風雨送黃昏

蘭若院

傳經蘭若歲時同繡轂珠簾處處逢
花院鳥歸深殿磬雨樓人散隔城鐘
長空淡淡吞平野落日微微見遠峯

年去年來人自老
空餘壞衲掛長松

金河寺

何處人間六月秋
金河寺外水西頭
坐分游客青天幕
醉倒詩仙白玉舟
萬里南風雙老鬢
百年心事一沙鷗
王侯螻蟻俱塵土
一笑從來萬事休

趙園

佳木千章曲岸南
此園閱世似飛禽
地幽花晚春兼夏
山近嵐昏晴似陰
溪雨斷橋愁渡水
樵風吹帽怯穿林

馬頭納納沙邊路霜葉濃時憶重尋

扈蹕萬寧宮

一聲清蹕九天開白日雷霆引仗來
花萼夾城通禁籞曲江兩岸盡樓臺
柳陰罅日迎雕輦荷氣分香入酒杯
遙想薰風臨水殿五絃聲裏阜民財

扈蹕琵琶嶺

曉拂朱欄滿袖風支頤冷望翠微中
薄雲漏日巖開碧淺露離花澗滴紅
馬散平坡臨水聚人來盤路到山窮

子雲老大無才思，懶賦長楊五柞宮。

拂雲坪

萬疊雲山最上頭，千官影裏侍宸游。
翠巖秀色來天地，黃嶺嵐光上冕旒。
帳殿影臨眠鹿地，簫韶聲入射熊秋。
翠華指日東巡狩，回望中原第一州。

金蓮

一望金蓮五色中，離宮風月滿雲龍。
向來菡萏香銷盡，何許薔薇露染濃。
秋水明邊羅襪步，夕陽低處紫金容。

長楊獵罷回天仗萬燭煌煌下翠峯

和王正之寄遠

人生會合少知音一榻高懸肯重尋
後日相逢應老大何時一笑共登臨
三年京國塵埃夢千里故人離別心
想見詩來愁擘紙倚欄清快比風襟

甲子元日大安早朝

闕角蒼龍建斗杓衣冠萬國大安朝
使臣未入分班立殿陛將升按笏
招彩殿中間瞻北極丹墀側畔聽
簫韶

太初甲子天元朔萬歲常瞻玉燭調

紅梨花應制

染根日日費天工
眼底梅花夢不同
春色似憐啼夜雨
天恩特許醉春風
袖障翡翠餘輕碧
雪點胭脂暈小紅
漢主蕊宮三十六
溶溶和氣月明中

轅門不寐

蕭蕭傳柝月三更
欹枕轅門聽鼓聲
戰馬不肥淮甸草
征人愁望歷陽城
兵戈荏苒音書絕
行李蕭條蟻蝨生

早晚樓船下揚子滿天風雨洗蠻荆

寄懷

不問山林與市朝大都鵬鷃各逍遙
歸心老去投林鳥壯志春來掛壁弨
聖處工夫惟易可閒中日月以琴消
十年鏡裏功名事白髮年來漸不饒

賦雪和張子野巡字韻

翰林風骨玉為神天遣簷花送酒巡
侍從驂騑應白鳳神仙官府不紅塵
懸知頰尾風流舊不及鰲頭句法新

天上玉堂誰得見風光衮衮筆頭春

楊秘監畫高士過關圖

三生自是竹林遊寫出荒寒意外愁
世事盡如翻著襪人生剛笑倒騎牛
關山風月詩千首富貴豪華土一丘
獨有文章磨不得至今圖畫想風流

重陽後雪寄馬柔克

朝來飛雪白模糊城郭山川入畫圖
一色乾坤還太素萬家樓閣化清都
狐裘貂帽將軍騎金帳羊羔太尉姝

何似吾家正清絕
曉窓吟撚凍髭鬚

靜陽道中

路轉山腰步步迷
高林淺水下回溪
蕎花釀蜜蜂貪腹
栢葉儲香麝養臍
不覺因來尋短步
偶逢佳處入新題
何時更到園林寺
看徧峯巒處處低

題郝運使榮歸堂

翰墨聲名四十年
歸來還作地行仙
柴桑問路陶元亮
洛社休官白樂天
拄杖扶兒還客拜
畫圖繪老聽人傳

窮秋雨霽陂田出想見騎驢興渺然

遊却家澗

山崦人家半夕陽倚牆爭看出紅妝野泉自入他州界
古碣猶存舊姓鄉蛇出廟孺神古柳牛尋沙澗憩柔桑
蟬聲抵死催歸騎辜負亭陰一枕涼

水際林間杖履香綸巾野服道家粧婦姑緝績欣同社
翁仲扶筇不出鄉拜跪使君嗟老大逢迎地主問耕桑
今秋一飽天難必且快新苗雨後涼

題近侍局使聚扇

早朝攜入紫微宮，日用都歸掌握中。
運動樞機真有道，卷藏懷袖不言功。
宸庭永日更番暇，水殿微涼侍宴終。
願以微軀奉清晏，仁聲宣播舜絃風。

張清獻公慶八十壽

富貴康寧壽八旬，明時乞得自由身。
宦途班列聯三事，家法中朝第一人。
疏傳未歸東海郡，白公獨享洛城春。
簾金換得傳經業，留與玄成贊化鈞。

上方

山近西臺易夕烟東臺占得夕陽偏貪看歸鳥過林隙
不覺奇峯墮眼前土竈夜燒松葉火石盆曉漱菊花泉
丹梯橫絕青山路勸子先參鳥道禪

題右丞畫荷蓀圖

杏花菖葉雨聲春甘作明時荷蓀身只道烏鴉猶父子
豈知螻蟻亦君臣杖頭明月挑周器松下衣冠自舜民
好在丹青王右轄解迴枯槁入陶鈞

送月上人赴少林

隻臂伽黎不作難將心到處遣人安
瓶離汴水秋風冷
錫入嵩峯夜月寒
篋裏贈詩更雨曬
囊中施鉢對風餐
心知擬就東林宿
已向林梢薦刹竿

登定安閣

翬飛高閣迴凌虛
中有盤盤一塔孤
千里河山隨指顧
諸天日月遶彌盧
神超罔象遺身世
眼入蒼茫一有無
便欲乘風遊汗漫
幡然回首念南都

許州襄城縣進嘉禾合穎應制

襄城城下壤歌傳
驛奏嘉禾到日邊
穎合周王新雨露
畝分黃帝舊山川
太平氣象聯珠琲
明德馨香列豆籩
萬國和同歸帝治
古書願獻補遺編

陳州進黃鸝鵲應制

隴鳥明時亦效祥
天教合侍赭袍黃
九重城裏駢鶯舌
百子池邊借鵲裳
夜臂翠簾條脫市
春籠珠殿荔枝香
紫宸朝退鳴笳遠
偷學山稱萬歲觴

贈磨鏡李先生

自笑年來白髮公，丹砂不肯藉顏紅。
分無海上三山藥，來訪人間百歲翁。
黃瀆何曾浣明月，青天元不礙冥鴻。
何時相約丹元子，便欲因之乘曉風。

記夢

六年京國鬢塵黃，一望家山一斷腸。
病後始知謀退晚，夢中猶記和詩忙。
風來竹裏娟娟好，水過花間冉冉香。
夢學道無成還自笑，人生習氣果難忘。

登天壽閣

人間赤日無處避天上雲居即寶坊鳥飛無礙長空濶
人意自生高閣涼風來為作不請友午夢徑到無何鄉
黃昏索馬出門去猶望東華塵土黃

和劉雲卿

屏山歿後使人悲此外交親我與雷千里老懷何日寫
一生笑口幾回開心知契濶留陳土將復登臨上吹臺
目極天低鴈回處西風忽送好詩來

和種竹

君家種竹五七箇我亦近栽三數竿
兩地平分風月破大家留待雪霜看
土膏生色葉猶卷客枕夢回聲已寒
見此又思君子面何時相對倚欄干

送宋飛卿

雄豪兩妙秀而文不獨吾云人亦云
賀監早知仙李白薛宣那得更朱雲
秋風汴水傷今別明日邠岐與子分
瘦李之髯雷希顔純隔存歿只愁詩壘不能軍

未能免俗聊從宦遙望孤雲憶舊廬不樂徑歸真吏隱
得閒隨分寄僧居關山牢落三年夢行李蕭條一束書
想見蓮花峯下過路人遙指倒騎驢

至日次劉雲卿韻

此生天地一陳人百歲三分過二分老去光陰空惜日
愁來世事獨看雲靜中剎復觀消長身外榮枯任糾紛
猶有憂時心未已卧聽兒誦戰場文

百五日獨遊西園

西園啓鑰起芳塵滿眼風光不屬春樓閣人非空似舊
溪山歲久却成真斷橋沒板橫斜艇古木歌垣礙去輪
老去搜詩厭雕斲晚風吹水白鱗鱗

題王摩詰畫明皇劍閣圖

劍閣森危隔錦官雲間棧路細盤盤天迴日馭長安遠
雨滴鈴聲蜀道難當日六軍同駐馬他時萬里獨回鑾
傷心凝碧池頭句有底工夫作畫看

和欽止河中即事

鵲鵲樓前一望時長河寂寞送斜暉人歌人哭幾興廢
年去年來今是非寒雨渡頭人跡斷秋風汾水鴈來稀
千村萬落生烟靄更聽砧聲暮擣衣

弔袁用之

卜築中條四十秋安排佳處近休休隱居境為王官勝
仙伯名因少室留架上殘書灰爐冷囊中妙藥鬼神偷
傷心天柱峯頭月曾照先生杖履遊

雪意

金瓶梅詞話卷十三
門巷蕭條日易曠
豆稽灰欲落江雲
眼花淡淡初疑見
耳重蕭蕭竟不聞
便可一盃平體粟
不須六出點衣紋
慇懃急遣蓬萊使
探到梅花破幾分

栗

漁陽上谷晚風寒
秋入霜林栗玉乾
未折梭櫚封萬殼
乍分混沌出雙丸
賓朋晏罷煨秋熟
兒女燈前爆夜闌
千樹侯封等塵土
且隨園芋勸加餐

憶橙

張望天涯驛騎塵
政須玉甲破芳新
可憐虛度梅梢月
無計相陪竹葉春
三日手香頻入夢
一年秋好不闕身
快須準備新詩句
儻有金苞贈故人

射虎

眼花百步透林寒
抵死嗔人守九關
只道草中藏白額
豈知世上有黃間
才聞父老愁三害
倏見熊羆寐一班
寄謝咸陽笑黃犬
何如霧豹隱南山

冬至

天時人事不難量消盡羣陰又一陽千里家山憑夢到
數莖白髮為愁長老來度日惟經卷病後關心祇藥方
六十之年今過五不須苦死問行藏

菊

水冷雲疎木葉黃遶籬目送鴈南翔酒傾桑落林廬靜
秋入騷人齒頰香人惜後期霜雨露天教晚節傲風霜
憑誰寄語陶元亮不為南山興自長

西風吹葉靜千林獨有幽香伴苦吟細葉宮槐舒碧皺

小花佛頂暈黃深誰憐細雨情何限可愛清霜瘦不禁
寄語兒曹莫輕折重陽留待伴孤斟

九月十一日夜對月

無花無酒過重陽轉覺閒居興味長明月豈隨人薄厚
黃花不逐世炎涼閏年節晚初過夜老境衾寒知有霜
清景喚迴蝴蝶夢起尋竹影據胡牀

答趙慶之節使

故人別後定何如春鴈來時忽寄書壯歲從軍幾人在

老來分守五年餘掛冠無計追弘景襍被何時從魏舒
遙想西川賢父老瓜疇閒伴故侯鉏

題劉萊州像

當年二老趙張儔

王脩然知府
焦明鏡運使

獨許先生第一流異政

曾聞山鬼伏直聲須問古人求從來走卒知司馬到處
兒童說細侯惆悵當年舊遊處羊曇不肯過西州

九日會極目亭

孤亭高壓冷雲堆九日登臨賞酒杯魏國河山殘照在

梁王臺殿野花開
鷗從白水明邊沒
鴈向青天盡處回
未必龍山如此會
座中三館盡英才

再和

秋興高於滌瀨堆
秋光併入阮公盃
霜凋蒲劍三稜折
雨裂荷衣十字開
北鴈遠浮梁水動
南雲低抱楚天回
前年此日登高會
點檢唯無短李才

謂屏山

過楊太尉墳

道傍古塚入荒榛
下馬摩挲漢八分
誰謂皇天無老眼

却令大鳥泣孤墳獨攜一盞霜風酒來醉三峯日暮雲
李杜就誅鉤黨起可能天下獨傷君

過邠州

地靈物秀古稱雄前有汾陽後范公千古山川形勝地
兩朝人物畫圖中一家忠厚餘風化七月蠶桑詠女功
誰識聖賢遺意在黍離篇末繼幽風

遙看涇水遠城流下盡坡陀始見州歲暮簡書催出塞
天寒風雪送行舟坡田井井龜圖畫山路盤盤篆印繆

更欲慙勤訪陳迹夜深燈火伴牢愁

過慶陽

地形占得古金湯感嘆當時古戰場父子一家三范帥
功名異代兩汾陽四山帶郭環天險二水分流會女牆
想見公堂無一事臨川閣上日飛觴

秋雨

十月秋霖不出門門前流水似江村牆頭新竹大於母
砌下老桐今有孫澤鴈背飛驚吹急濠魚逆上避河渾

金少曰五十一
卷十三
秋風未得乘槎便擬控扶搖北海鷗

白塔

松林橫截東南野
蘭若斜連子午莊
平楚風烟開鄠杜
斷碑歲月自隋唐
樓頭山入詩人座
砌下泉分衲子房
更欲秦川窮勝槩
却從高塔望雲陽

過石氏園

樂天
故居

石氏園亭竹一園
眼前勝事只心知
幽禽有語能留客
流水無情自入池
客裏歲華將盡日
梅邊春信獨來時

醉吟吟後無吟者又得閒閒一首詩

上巳遊西園分韻得蘭字與楊禮部攜同院諸公

賦

相逢草草即盃盤誰識吾曹箇裏歡
燕蹴簷花墮茵席
魚搖波日動欄干無窮照影溪溪柳
不住吹香畹畹蘭
已屬清明連上巳更容飛蓋接鸛鷺

跨鳳騎麟玉荀班塞驢不作杜陵酸
已煩蠟紙書陳迹
更許仙舟泛碧瀾酒令致師嚴細柳
詩朋鏖戰劇皐蘭

遨頭却返瀛洲去夢覺揚州鶴背寬

挽劉雲卿

人物於今嘆渺然知君才德幾人全忠言唐介初還闕
道學東萊不假年黃壤苦埋經世志青藜未了讀書緣
西園酬唱空陳迹淚灑南風裊素牋

楊尚書宮直雪作擬應制作詩某時在假聞而和
之

霰雪霏霏點玉英玉堂鈴索悄寒生也應天上多珂葉

無賴人間有化城
兔苑因之賢者樂
羊羔加以聖之清
吾曹安預籌邊事
且及新年賀太平

黃昏陡覺悄寒生
漏澀銅壺第幾更
未放六花齊苑樹
先留半月抹宮城
一陶風俗還純素
盡領乾坤入太清
應似上方觀下界
放教雙眼一時明

二月見梅花

不應開處避嚴冬
無賴春寒雪尚封
縱使風霜欺爾瘦
可能桃李為君容
龐眉都尉嗟何晚
飛騎將軍嘆不逢

畢竟榮枯無定在此花勸汝倒金鍾

春寒花較遲

吟懷長恨負芳時及至春來雪尚滋
榆莢半含椒粒色柳條未變麴塵絲
牆陰更覺花開晚水冷應知鴈到遲
慚愧蓬萊老仙伯已迴和氣入新詩

殘梅

寒梅不作白頭新相對依依似故人
要伴賓鴻并社燕未隨流水與紅塵
空枝擬折猶堪嗅殘蕊重看不厭頻

自是東皇催鼎食無情風雨不闌春

杏花

香傳微雨隔簾櫳十載舫船不負公愁見餘春紛雪白
且看初日眩霞紅兩株副使鶯吟裏一色新郎馬足中
授老安能知許事一鞭農事趁春風

此近體字樣詩
非詩也悚愧

慶學士叔獻七十壽

乞得閒身七十餘知幾初不為鱸魚胸中幸有平邊策

林下聊觀養性書收拾雲山歸蠟屐卷藏事業入藍輿
君臣撫髀思頗牧未許先生作隱居

小築龍潭德不孤盧鴻新有草堂圖四朝人物今誰在
二老風流與我俱把酒笑談猶解醉上山筋力不須扶
文章不逐年齡改能為開興作頌無

訪天寧周老

敝策羸童負束書清晨渺渺獨騎驢乍辭天上尚書履
來訪雲間大士居覽鏡年年非復我照溪處處得逢渠

從今莫訝經過數
乞得閒身頗自如

春遊

草荒一徑抱村斜
日暮初歸拜掃車
猶有饑鴉來攫肉
覘人飛下杜梨花

題扇頭

文書勾引黑甜鄉
倦枕拋書午夢長
夢裏棋聲驚雨電
覺來窓隙有斜陽

平湖戲鴨圖

平湖飛下蹙雙紋
翻動江南水底雲
盡日自來還自去
塵埃滿眼不如君

正覺院

齋時一鉢僧上堂
履聲如水度秋窓
秋陽滿地槐陰薄
幽鳥飛來施食幢

登嵩頂

危躡嵩山頂上來
五髯龍對八仙臺
不知眼界濶多少
直盡黃河一曲迴

少林

只麼西來坐面牆更無一法付神光
少林自有吹毛物
三十六峯如劍鉞

石樓

月約風期屢往還水聲山色石樓間
大家也入香山去
那箇心如白傳聞



御訂全金詩增補中州集卷十三

欽定四庫全書

集部

御訂全金詩增補中州集卷十四至十六

詳校官中書_臣張虎拜

主事銜_臣徐以坤覆勘

總校官編修_臣王燕緒

校對官編修_臣勵守謙

謄錄監生_臣黃嘉績

欽定四庫全書

御訂全金詩增補中州集卷十四

趙東大六

高山道中

為愛青山懶著鞭
吟詩時作鶴頭偏
驀然得句驚飛鳥
撲簌巖花墮馬前

屋頭山色靜無埃
竹裏柴門水際開
驚怪籬中犬迎吠
有人知自碧嵩來

題南城樓

樓上遙看郊外村
不須騎馬坐平分
人家應在青山外
時有歸牛下白雲

香巖寺壁

一夕秋風變素商
蕭蕭雲物換新涼
片雲不作前溪雨
飛過高城有底忙

題扇頭

魏三句裏數聲鶯
秦七詞中萬點鴉
好在團團明月底

一彎流水幾人家

三學院對月

何年覲佛朝天子各以寶花樓閣俱為問上方銀世界
不知有此夜寒無

祕魔巖

鐵鎖闕藏五百龍文殊遊戲作神通山僧要辦金剛眼
莫謂魚鰕在此中

回春谷

冰崖雪柱道人家
谷榜回春事已夸
却恐陽和在泉底
未春先發忍冬花

登萬聖閣

中州之山臺山高
遍尋五頂無乃勞
老去看山無脚力
直憑一閣了秋毫

馬頭

天外亂山圍曠野
水邊孤塔背層城
馬頭才抹桑乾路
愁見行人問去程

趙橋望

天垂曠野初疑合地轉深巖忽似窮
偶向高崖聞笑語
寒春一帶夕陽中

漁陽道中

盤山曾藉上方眠落日蒼蒼響石泉
夜半峯頭聽鳴鹿
半崖松子落堦前

遠北京

小車日日碾征塵臥即看書坐欠伸
露宿風餐二千里

青山無處不隨人

龍山怪松

自笑書生骨相窮，倒騎驢看兩三峯。
天東稍喜無碑讀，踏雪還來看怪松。

東京見梅

二月天東凍未蘇，梅花市骨也清臞。
一枝萼綠來千里，為問東君管得無。

遼東

幾家蘿落枕江邊樹外秋明水底天日暮沙禽忽驚起
一痕冲破浪花圓

北都雪望

千山雪盡出樵車一逕雲移去似蛇小屋平頭虛落裏
炊烟起處是人家

北都小雪

邊城小雪試年華烟冷貔貅十萬家探使不來人半醉
將軍氊帳卓平沙

襲香亭

小橋虹影截波光而面荷花鏡裏粧風月要知無盡藏
一亭分作兩亭香

黃堂公退吏人稀露下西溪鶴未知一榻清香無著處
曉風殘月獨來時

錦波亭

柳影移隄步晚涼清溪放開水泱泱胸中經緯天機錦
閒却小亭風露香

靈感寺

斜廊深院斷人行
雪聚松中立鳥清
僧臘數殘門乍啟
驚飛諄語獨含情

青青隱隱入烟微
一日看山坐水涯
何事晚來風截斷
偶看白鳥過林時

雞鳴山下橋

兩山相對翠屏開
一水中流礙石迴
橋北橋南路分處
紅塵一騎日邊來

和舜元雜詩

瘦馬龍鍾兩鬢華
敲門避雨野人家
門前籬落猶懸路
十里晚風吹斷霞

三五殘星闕角東
淡黃楊柳月中明
中貪看稚子收殘葉
駐馬天街滿袖風

聖安小集

松軒却扇風仍好
苔徑無花雨亦香
門外市聲塵午枕
老僧元不下禪牀

和子約立春

唐虞禮樂歲元新
齊魯中書有大臣
泰定三年調玉燭
衣冠萬國拜王春

二青圖

大青天驥之雲仍小青八尺猶龍騰
三十年來無汗馬
不將遺像鑄興陵

古北口

幾家墟落兵戈外
數畝荒田谷澗中
日暮圍場來野鹿

令人長憶筆頭公

撫州

蕭寺金風動剝竿
西城北斗挂欄干
一蟲不響夜更靜
片月未高山已寒

燕賜城邊春草生
野狐嶺外斷人行
沙平草遠望不盡
日暮惟有牛羊聲

北苑寓直

柳外宮牆粉一圍
飛塵障面倦斜暉
蕭蕭幾點蓮塘雨

曾上詩人下直衣

玉堂

玉堂看到午陰移日薄春閒下直遲
悞喜交番旗脚轉
隔牆送過小桃枝

西溪

山根西北塵沙少水際東南風月寬
盡日朱門人不到
鳬鷺引子傍欄干

過邯鄲

十五年來泰一炊叢臺重覓舊題詩而今馬上行人老
不似當初過趙時

臨洺

聽山洺水送還迎世事浮雲幾變更白髮重來相識盡
逢人欲問小時名

真際栢

趙州東院庭前栢二百年來屈鐵柯莫怪兩株纏欲死
後來禪客葛藤多

潯沱

潯沱一箭截天來六月砮雷打土崖一夜北風吹岸柳
直從中渡擡船迴

涑陽道中

石頭聲確水縱橫人在青山影裏行忽悟過溪驚笑語
斷崖茅屋暮春聲

昌平狄梁公廟

力扶滄海將頽日目送西山不盡雲一邑宜能占惠愛

至今天下不名君

靈峯院

天門劃斷兩崖青
拄杖靈峯頂上行
一片白雲巖下起
不教眼力盡東溟

燕

宦遊憐我食官倉
贏得青青兩鬢蒼
不會無情雙燕子
南來北去為誰忙

湧雲樓雨

片雲頭上一聲雷欲到冠山風引回窓外忽傳林葉響
坐看飛雨入樓來

簾雨風斜不上鉤欄千吹濕怕人愁雷聲驅雨東山去
留下斜陽恰半樓

題閭立本職貢圖臨本

周王職貢朝萬邦右相丹青古無雙好本不應天下獨
解如明月印千江

金犀勢面覩天庭王會圖中見典刑已了宣威沙漠事

更煩右相寫丹青

墨梅

墨師不作胭脂面却恐傍人嫌我真相逢莫道不相識
夏馥從來琢玉人

香山

山秀薰人欲破齋臨行別語更徘徊筆頭滴下烟嵐句
知是香山境裏來

夏日

樹木交陰鳥自呼
蘧蘧殘夢破
華胥虛簷一道風如水
展盡牀頭幾葉書

太寧吟詩臺

雨中

易州山水甲天下
一日太寧如死灰
山意似羞人識面
雨昏丞相賦詩臺

樓上

樓頭四面好風生
下與遙山一樣平
睡起紗幮欹枕處
恰如水底看雲行

山城過雨怯衣單
清曉樓頭六月寒
却喚奚奴添半臂
要乘涼氣倚欄干

登晉陽閣

坡陀勢盡晉川開
一線汾河掌上來
斜日西風倚高閣
白鳥飛過天門回

中山會故人

三十二年役夢魂
故人老盡一身存
燈前細雨當時話
別後相思誰與論

下直

綠槐影裏鳥呼風
退食涼生襟袖中
滿地綠苔承步障
楸花無蒂落深宮

潭上

倒影花枝照水明
三三五五岸邊行
今年潭上遊人少
不是東風也世情

日斜飛盡往來塵
為怕春愁戀酒樽
醉裏不知歸去晚

聞聲留著闌華門

宿王佐宅

鞍山柘水事茫茫猶記同遊宿上方老大重尋窓下宿
殘經挂壁故人亡

燕子圖

一別天涯十見春重來白髮一番新心知話盡春愁處
相對依依如故人

祝爾區區萬里身錦書回寄莫辭頻而今塞北看雙翼
多少中原失意人

交親消息兩何如
滿眼兵戈不得書
為問南來新燕子
銜泥曾復到吾廬

送人之河中

功名蟻穴夢南柯
投老空門不較多
試看鐵牛無用處
橫身終古負黃河

題李平夫畫黃山蹇驢詩圖

浮光林杪水參差
意想先生得句時
千古黃山山下路
蹇驢不是少人騎

金史卷之八十四
卷十四
三十年前濟水東詩中曾識蹇驢翁而今畫出推敲勢
却恐相逢是夢中

中秋日郊外遇雨

斜風吹雨水生寒荷蓋傾珠下
芡盤驚起鷺鷥眠不得
冲烟飛過蓼花灘

登定安閣

春風吹袖著欄干薄霧初收雪未殘
擬折梅花遮遠日
愁看直北是長安

柴陽古槐

柴陽縣東千古槐人言曾見漢朝來不知幾覺南柯夢
直至如今喚不回

新安道中

草根啾唧候蟲鳴月黑山腰信馬行夾路水聲長在耳
以下
詞

遊華山

我與青山有舊盟淡雲微雨忽渝平朝來自獻三峯絕

仙史卷之十四
卷十四
真令山神不世情

仙人仙去有仙掌袖中擲下青芙蓉遺與楊羲書一紙
暫留笙鶴駐中峯

玉龜山下古仙真許我天台一化身擬把嶽蓮騎白鶴
下看浮世幾揚塵

河上公廟

河上丈人忘姓名一編道德了一生時來河上觀物化
投醪欲變黃河清

稠桑谷遇雨

窮秋雨渡稠桑谷馬滑還經險路過騎上小山三十里
天教衝雨看黃河

濟源四絕

歌管年年樂太平而今鉦鼓替歡聲裴公祠下無窮水
好乞餘波為洗兵

祠前繚繞無窮水樹杪參差不盡山極目水窮山盡處
天台猶在白雲間

樹映樓臺水映空
溪容林意兩溶溶
夏山如醉無人畫
遠處微茫近處濃

穆穆雲水曉相參
寺枕龍蟠十頃潭
一徑通幽竹深處
居人指是侍中庵

山行四絕

終日看雲不忍還
馬蹄犖确兩山間
雨聲欲到詩人耳
雲氣先濛一半山

漠漠青田鷺啄苔
背人飛去又飛回
青山影裏銜青稻

知自濟源枋口來

樹根繫棧水淪漪雨裏看山也大奇
不見文公陳迹在摩挲苔壁認題詩

玉柱峯前紫翠堆道人架竹引泉來
穿雲絡石無人見下赴龍門作怒雷

一雨

遙望叢林一塔孤寒驢日轉古城隅
夜來一雨添新漲潑灑灘頭漸欲無

和楊尚書之美韻

河南夫子兩程子要與洙泗繼後塵
濂溪先生為張本
舞雩風裏浴沂春

東萊兩本不朽計讀書原委有本因傷哉絕筆大事記
讀經未了已亡身

諸公辨論助怪驚削去訓傳非人情文公至正本無我
吾道初如日月明

漢儒俗學欺盲聾獨有一士超樊籠君家子雲晚治易

聖人門戶見重重

題劉德溫畫湖山豐夏橫幅

聞道神仙郭恕先曾將清夏畫湖山而今筆墨歸天上
時許劉郎見一班

湖山清夏不應豐一迓林陰水石中六月涼生青蕝底
釣魚船上一絲風

風來山脚水淪漣林影參差舞鏡天袖裏長安遮日手
綠陰多處弄潺湲

遠處微茫近處濃岸容林意雨溶溶夏山如醉無人畫

更倩劉郎作幾峯

與濟源
詩少同

題東坡畫古栢怪石圖三首

荒山老栢枿臃腫相伴醜石反成妍有人披圖笑領似
不材如我終天年

人生散材如散木槁死深山病亦奇放出參天二十尺
安用荒藤纏繞為

東坡戲墨作樹石筆勢海上驅風濤畫師所難公所易

縱有此圖無此高

雪望

吹面風來受雪寒
寶花樓閣五雲端
船移忽破瓊瑤影
丹鳳橋邊駐馬看

蟬

薄薄秋雲兩翼輕
淤泥脫迹便恢聲
可能枵腹涼陰底
受盡人間風露清

三蘇帖

他年鴻鴈各分飛
風雨蕭蕭有所思
猶記讀書懷遠驛
夜深燈火對牀時

君家一日會三蘇
翰墨人間今古無
時向明窓展橫幅
不須更寫德星圖

宿朱家寺

撤幕風來遠更清
窓閒野曠見雲生
夜深古殿無燈燭
畫壁時因掣電明

金水河

金水河邊駐馬時
燕春閣外夕陽微
舊時同樂園前水
曾照寒鴉幾度歸

晚登太史臺

雲鏤殘陽一線金
西風吹雨破層陰
歸鴉怪得紅翻背
返照依依在遠林

市橋

市橋落日與坡平
返照前灣別舸明
不覺城頭來暝色
回看天際暮烟生

管幼安濯足圖

道喪何人識重輕
白頭不作魏公卿
滄浪濯足知君意
濁水那能浼我清

龐才卿畫長江圖

青山隱隱水悠悠
何處長江是盡頭
欸乃一聲人不見
忽從天際下歸舟

淨安寺紫蠟梅

倩誰傳語玉林神
莫以時宜鬪斬新
只是舊時黃面老

而今現作紫金身

題伊喇右丞畫雙鹿

忘言老人畫雙鹿筆力不減東丹王
右相丹青乃餘事
向來勲業扶明昌

當年扈從直長楊想見秋山槲葉黃
沙外小灘圓似月
眼明雙鹿噉斜陽

坡陽歸隱圖

年過六袞尚蹉跎奈此坡陽歸隱何
不是不歸歸未得

家山雖好虎狼多

九日繁臺寺

九日登臨一散懷
繁臺寺裏插花迴
空明衣上波光動
知是扁舟泛月來

道傍古槐

虬枝盤屈尚百尺
不肯為人光棟梁
六月行人汗如洗
尚能於世作清涼

昭君出塞圖

無情漢月解隨人羞向天涯照妾身聞道將軍侯萬戶
已將功業上麒麟

子卿歸漢圖

節毛落盡始歸來白髮龍鍾老可哀猶勝生降不歸漢
將軍空有望鄉臺

龐才卿畫春山歸隱圖

了無車馬到山家門外東風掃落花春入山間人不見
無時無處不烟霞

遊上清宮

陰陰垂柳淨朝暉
城郭山林果是非
步繞仙壇香露濕
紫玫瑰刺罥人衣

醮罷琳宮日更長
坐看碁影午悠揚
幽人喚起青童睡
苔迳掃花筠箒香

細細薰風淡淡陰
過雲拋雨上花心
黃鶯渴味沾微潤
飛上高枝作好音

細雨薰風未熟梅
仙禽啄實下莓苔
夏芳將盡無多景

紅白葵花相背開

中牟陽水篆

龍蛇起陸蟲蝕木商盤周鼓秦刻餘中牟三異今則四
斷碑殘缺陽水書

過楊太尉墳

直道從來自不容斷碑千載尚塵封潼關闕下墳三尺
清節高於太華峯

過長安

漢苑秦宮半夕陽
年年春色管興亡
灞橋折盡青青柳
不為行人也斷腸

茂陵玉盃苔痕土
魏帝金盤月缺津獨有乾陵陵上栢
年來風雨不能神

草堂

幾家籬落掩柴關
盡在浮嵐湧翠間
稻壠明邊通白水
竹梢缺處補青山

過咸陽

獨立橋邊望白雲
摩挲古塚石麒麟
千秋萬古功名骨
盡作咸陽原上塵

上林池籞鎖芳塵
直抵南山不屬人
世上千年陵谷變
千村桑柘鴉鵲春

題東坡與佛印帖

魯公食粥已數月
蘇子探囊無一錢
身後胡椒八百斛
爾曹堪笑亦堪憐

呼羣鳴鹿

麋斑剝落錯古錦廢角輪囷生肉芝
呦呦誰見羣呼態
憶在秋山扈從時

露林楓葉動秋山誰道呦呦物性閒
同類呼羣更媒禍
世閒何處不黃間

五嶽觀

瀏瀏清風下曲阿亭亭午影轉庭柯
簾虛不捲通明處
時有流鶯趕蝶過

夜

惜惜小雨一燈熒猶記靈宮夜叩扇繞樹驚鳥棲不定
踏翻栢子落堦庭

曉

一聲鷓鴣喚年芳底事驚回蝶夢長獨倚欄干梳白髮
滿襟清快曉風涼

暮

移牀坐到晚涼時手弄清泉似小兒古觀無人蒼栢暗
偶看宿鳥暮投枝

荔枝圖

雨滴鈴聲蜀道長都緣一曲荔枝香
宣和無限丹青手好畫當年花石綱

栽梅

滿車飽載梅花供車聲咿咿不成弄
月落參橫畫角哀橫眠正作梅花夢

鴻溝

山川依舊霸圖空楚漢分溝一垓中
金翅鳥王分海立

却應莞爾笑英雄

遊崆峒四絕

西隣鳥鼠北朝那
涇水東流入大河
一上參雲亭上望
山川滿目夕陽多

金湯形勝滿秦中
戰鼓驚飛北塞鴻
為向崆峒山試道
可能高枕聽松風

斷碑零落任苔封
想像當時問道宮
烟鎖洞天三十六
時人空禮白雲中

萬松聲裏暮濤寒盡在參雲一望間只欠懸流二千尺
天風吹下翠屏山

題東巖道人讀書堂

裕之先大夫讀書於此東巖其自號也

山頭佛屋五三間山勢相連石嶺闕名字不妨從我改
更稱元子讀書山

哀李平父

平父能詩善畫與予為密友

妙畫清詩絕點塵丹青才了已無身釣臺即是西州路
長使羊曇淚滿巾

洮石硯

何年洮石鴨頭綠磨研來伴中書公乞與玉堂揮翰手
便應草檄係西戎

跋黃華墨竹

老可能為竹寫真東坡解與竹傳神墨君有語君知否
須信黃華是可人

淡墨閒臨謝女真蕭然林下自風神
世間亦有丹青手只解尋常寫市人

閏八月十八日會同館諸公同賦絕句五首

一年十二度圓月反覺中秋此夜偏
天意自憐風露爽更教明月十三圓

閏年都未有新霜探借秋花十日香
徑約同僚同一醉有花有酒即重陽

太平勝事古難并且盡清歡伴醉醒
座中少年三館秀

也知傍有老人星

老去追歡強不能
少時思酒似癡蠅
佩刀左右更相笑
我已年來絕愛憎

賓主相忘間濁清
坐中談笑雜歌聲
道人嘿坐無分別
總是秋風萬籟鳴

馬上見桃花

可憐馬上逢春色
不得明窓貯石瓶
祇恐東風易零落
兔葵燕麥又青青

列子廟

天祿讐書已斷編枉將放蕩雜真筌如何得似東臯子
刪却楊朱力命篇

東土西天一幻緣先生古佛豈其仙真機指出無生死
勘破髑髏未兆前

翠微寺

南山常愛退之詩未脫雲烟潤色之要見山光如潑黛
更須留待雨晴時

南山深鎖翠微宮，寺在山南十里東。
祇怪朝來衫袖濕，不知身在翠微中。

宿索水

楚漢相隨京索間，路人指點舊河關。
英雄成敗一丘土，雲自高飛水自閒。

平泉店逢夏使

穹廬毳服異華風，馬上相逢一笑同。
贈我何勞統朝策，賀蘭千里已胸中。

暮春用寒字韻

柳陰彩艦繫朱欄樓外鞦韆搭畫杆
被襖人歸池館靜
吹花風急皺波寒

一年芳物已闌珊年少春愁為牡丹
村落人家雨前後
蓬窓罩紙護蠶寒

初聞鴈

囑爾南來新鴈羣封書好寄未歸人
天涯憔悴多風雪
回首中原又一春

宿遂初園

病身三日園亭主自慶還須把一盃猶勝西隣王學士
金門到老不曾來

別春

年年春去歸何處今日須為別一番把酒問花花不語
夜來風雨淚珊珊

附圖繪寶鑑趙秉文畫梅花竹石筆力雄健命
意高古

附庶齋老學叢談金朝學士趙秉文使西夏中
途聞夏主殂而回楊尚書之美以詩戲之云中
朝人物謫仙才金節煌煌使夏臺得句逢人唾
珠玉揮毫落紙散瓊瑰一封書貸揚州牧半夜
雷轟薦福碑窮達書生畧相似滿頭風雪却回
來

附元好問趙開問真贊云周旋於王廣道宗平
叔之間而獨能紹聖學之絕業斂遊於蔡無可

党竹溪之後而竟推為斯文之主盟不立崖岸
之謂和不置町畦之謂誠不變燥濕之謂定不
汙泥淖之謂清藹然溫粹見於丹青雖無老成
人尚有典型鳳衰無周龍移啟魏殄瘁攸屬古
為悲歎人知為五朝之老臣不知其為中國百
年之元氣

御訂全金詩增補中州集卷十四